

KUĆNI RED I PRAVILA PONAŠANJA

Član 1.

Članom kluba korisnik postaje u trenutku potpisivanja pristupnice, uzimanjem fotografije člana za evidenciju kluba, te uplatom članarine i svih troškova predviđenim uvjetima o upisu članova u klub.

Član 2.

- a) Član kluba može biti svako psihofizički zdravo lice starije od 18 godina, koje zadovoljava uslove iz ovog Kućnog reda.
- b) Osoblje kluba pri prvom učlanjenju obavlja uvodni razgovor sa kandidatom za učlanjenje.
- c) Osoblje kluba zadržava pravo da odbije učlanjenje/produženje članarine lica koje se pri uvodnom razgovoru sa osobljem kluba ponaša neprimjereno, neprijateljski nastrojeno, neljubazno i koje ne poštuje norme ponašanja predviđene ovim Kućnim redom ili se od lica ne može objektivno očekivati da će iste poštovati.
- d) Osoblje kluba zadržava pravo da odbije učlanjenje/produženje članarine novih članova, ukoliko su kapaciteti kluba popunjeni. Odluku o režimu upisa novih članova donosi direktor.

Član 3.

Članske iskaznice su personalizirane i neprenosive, te je obavezno njihovo nošenje i pokazivanje prilikom svakog ulaza u klub. Ključ od ormarića, koji član zadužuje prilikom ulaska, član je dužan uredno vratiti prilikom izlaska iz prostorija kluba. Ukoliko član izgubi člansku iskaznicu ili ključ od ormarića, obavezan je to prijaviti i platiti naknadu.

Član 4.

Član kluba dužan je voditi računa o osobnoj higijeni (naročito o mirisnoj komponenti iste). U tom smislu član je dužan prilikom vježbanja koristiti čisti ručnik, te isti stavljati na sprave i klupe prilikom korištenja. U prostoru za vježbanje član je obavezan koristiti čistu sportsku obuću i odjeću (nisu dopuštene japanke, papuče, suknje, farmerke i sl.), vodeći računa da ona nije bila izložena svakodnevnom vanjskom korištenju.

Član 5.

Član kluba dužan je upotrebljavati opremu sa dužnom pažnjom vodeći pri tome računa da ne ozlijedi sebe, druge korisnike ili da ne uništi prostor u kojem se nalazi.

Član 6.

Strogo je zabranjeno bacanje tegova.

Član 7.

Član kluba dužan je nakon korištenja sportskih rekvizita iste vratiti i složiti ih na pripadajuće im mjesto.

Član 8.

U prostorijama kluba nije dozvoljeno nedolično ponašanje koje bi ometalo druge korisnike i stvaralo im nelagodu.

Član 9.

Član kluba dužan se suzdržavati od vrijeđanja i psovanja, stvaranja galame ili obraćanja drugim članovima ili osoblju povišenim tonom i/ili na drugi neprikladan način. Takvo ponašanje uvjet je za trenutni raskid ugovornog odnosa između člana i kluba.

Član 10.

Strogo je zabranjeno pušenje, unošenje alkohola, droge i dopinga (steroida) u prostorijama kluba.

Član 11.

Nije dozvoljeno dovođenje kućnih ljubimaca ili drugih životinja u prostorije kluba.

Član 12.

Zabranjeno je neovlašteno rukovanje tehničkom opremom i uređajima koji nisu sastavni dio ponude kluba (klima uređaji, rasvjeta, razglas, TV, te drugi uređaji i oprema).

Član 13.

Član je dužan voditi računa da razgovorom na mobitel ne ometa druge korisnike. Za duže razgovore na mobitel dužnost je člana napustiti prostor za vježbanje.

Član 14.

Sve torbe i ruksake obavezno položite i ostavite zaključanima u pretincu garderobe. Unošenje istih u prostor za vježbanje nije dozvoljeno.

Član 15.

Nalog ili opomenu osoblja kluba treba poslušati i to ne može biti predmet raspravljanja.

Član 16.

Klub nije odgovoran za dragocjenosti članova kluba niti onda kada su zaključani u ormarima. Za sve izgubljene ili otuđene osobne stvari unutar prostorija kluba odgovornost snosi isključivo član kluba.

Član 17.

Nije dopušteno snimati niti fotografirati druge članove bez njihovog dopuštenja.

Član 18.

"Osobnim trenerima" nije dozvoljeno koristiti prostore kluba bez dogovora s odgovornom osobom u klubu.

Član 19.

Članovi kluba dužni su poštivati radno vrijeme kluba, na način da do kraja radnog vremena napustite prostorije kluba.

Član 20.

Neispunjavanjem redovnih obaveza kao npr. plaćanja članarine i ostalih predviđenih obaveza, te nepridržavanjem pojedinih odredbi ovog pravilnika, klub zadržava pravo raskinuti ugovorni odnos sa članom, te odbiti pružanje svojih usluga.

Član 21.

Sprave i opremu u fitness-u koristite na vlastitu odgovornost, BRICK FIT d.o.o. ne odgovara za eventualne povrede nastale korištenjem iste.

Član 22.

BRICK FIT d.o.o. ne odgovara za nestale/ukradene stvari u ormarićima i ostatku objekta.

BRICK Fit d.o.o. Sarajevo
Alipašina 45a, 71000 Sarajevo
Bosna i Hercegovina
Tel: +387 (0) 33 616 932
Fax: +387 (0) 33 592 467
E-mail: kontakt@brickfit.ba

Sve dodatne informacije u vezi s članstvom možete dobiti na gore navedenim kontaktnim podacima. Molimo Vas da odjavu kartice javite na gore navedeni broj telefona u slučaju da karticu izgubite ili Vam je ukradu, te da na adresu izdavatelja pošaljete pisanu izjavu kojom potvrđujete odjavu kartice.